

# ଗାଲାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଲାତିୟ କୁଲମିତିକି ପାଞ୍ଚଲ ରାଚାମାନି ଆକୁ ମୂଲୁ ହାଡ଼ା

ଗାଲାତିୟ ଆକୁ ପାଣ୍ଡୁଝିଆହାମାନି ପାଞ୍ଚଲ ତାଣାଟି ରାସ୍ତକି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାୟୁ ୪୮ ଚିଏ ୫୭ ବାର୍ଷା ବିତ୍ରା ଗାଲାତିୟ କୁଲମିତି ନାମିତି ତାୟିୟାକି ରାସ୍ତକି ଆହାମାନେ । ଗାଲାତିୟ ଲକୁ ରମିୟ ଦେସାତି ଗାଲାତିୟ ଇନି ଟାୟୁତା ବାସା କିହା ମାଣ୍ଡିନେରି । ପାଞ୍ଚଲ ଇ ଆକୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି । ସାମା ଏପିସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ତୟିନେସି ଇଞ୍ଜି ଇନେରି ।

ପାଞ୍ଚଲ ଗାଲାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପୁନାରି ତାଣାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜଇ ମେରାତି ଜୀହୁଦି ହୁକୁମିତି ମାନୁଝି ଆହାଲି ଅଡ଼େ ବାରେକିହାଁ ତଲୁ ଦାପିଆନି ମେରା ଝେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଟାରି ଜୀହୁଦି ଦାମୁତି ଆବିତାରି । ଏଞ୍ଜାରି ଜିକେଏ ପାଞ୍ଚଲତି ପାଣ୍ଡୁଝିଆହାମାନି ଅଦିକାରାତି ଝେଞ୍ଜିମାଚେରି । ପାଞ୍ଚଲ ଏଚେକା ପୁସ୍ତପନିକା ତଲେ ତାନି ପାଣ୍ଡୁଝିଆହାମାନି କାତା ଝେସାନା ଏଞ୍ଜାରାଲ୍ ମୁଦା କିହାମାନେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତଲ୍ ନାମିସାରେ ଗେଲ୍ପି ଆନାୟି ଇ କାତା ଝେସାନା ନେହଁ କାରୁତି ଗେଲ୍ପି ମାନେସି ୨:୧୭ । ମାଣ୍ଡସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

**ପତିତା ମାନାୟି**

୧. ପାଞ୍ଚୁଲତି ଜହରା । ୧:୧-୫  
 ୨. ପାଞ୍ଚୁଲତି ତଲିତି ଜୀଞ୍ଜୁ ଅଡ଼େ ଜାପୁନି ଅଦିକାରା କାମା କିନାୟି । ୧:୬-୨:୨୧  
 ୩. ମୋରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍‌ପି ଆନାୟି । ୩:୧-୪:୩୧  
 ୪. ନେହୁଁ କ୍ରୀସ୍ତାନା ଆହାନା ନୀତାଲି ଝେହ୍‌ନାୟି । ୫:୧-୬:୧୦  
 ୫. ପାଞ୍ଚୁଲ ଜହରା କିହାନା ଆକୁତି ରାପୁନାୟି । ୭:୧୧-୧୮

### ପାଞ୍ଚୁଲତି ଜହରା

୧ ନାନୁ, ପାଣ୍ଡୁଆଡ଼ି ସୀସୁ ପାଞ୍ଚୁଲତେଏଁ, ପାଣ୍ଡୁ ଆହାଲିତାକି ନାନୁ ମାଣସି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକ୍‌ହାମାନେସି ଏଞ୍ଜାଣି ତାଣାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍‌ନାଣି ଅଡ଼େ ହିଡ଼ି ଜୀଞ୍ଜୁ ମିଙ୍ଗେ ହୀୟାପେସି ।

୪ ନୀଏତି ଇ ପାପୁତି ଦାର୍‌ତିତା ମାଙ୍ଗେ ଗେଲ୍‌ପାଲିତାକି, ମା ଆବା ମାହାପୁରୁତି ଅଣପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେରପାକତିତେସି; ୫ କାଲ୍‌କାଲ୍‌ତାକି ମାହାପୁରୁଇ ଗାଞ୍ଜୁରମି ଆପେ । ଆମେନ୍ ।

### ରଣ୍ଡିଏ ନେହୁଁ କାରୁ

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଙ୍ଗେ ହାଟା ମାଞ୍ଜାତେସି, ଏଞ୍ଜାଣାଇଁ ମୀରୁ ଗାଡ଼େକେଏ ପିସାନା ଏଟକାତି ନେହୁଁ କାରୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏଟକାତି ନେହୁଁ କାରୁ” ଆଏ, ସାମା ଏତରଜାଣା ମିଙ୍ଗେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହୁଁ କାରୁତି କିଲିବିଲି କିହାଲି ଅଣପିମାନେରି । ୮ ସାମା ଆମିନି ନେହୁଁ କାରୁ ମାମ୍‌ମୁମୀ ତାଣା ଝେକ୍‌ହା ମାତମି, ଇଞ୍ଜା ମାମ୍‌କୁଲି ଲାକପୁରୁତି ଦୂତୁୟା ଜିକେଏ ଏଦାଣି ପିସପେ ଏଟକାତି ନେହୁଁ କାରୁ ଝେକ୍‌ନେସି, ଆତିହୁଁ ଏଞ୍ଜାସି ବାକା ବେଟାଆପେସି । ୯ ଏନିକି ମାମ୍‌ତୁଲିଏ ଝେସାମାନମି, ନୀଏଁ

ଜିକେଏ ନାନୁ ଏଲେକିହିଁଏ ଅଡ଼େ ଝେଣ୍ଡେ ଝେସିମାଞ୍ଜାଇଁ, ଆମିନି ନେହିଁ କାରୁଇଁ ମୀରୁ ଆସାମାଚେରି, ଏଦାଣି ପିସ୍‌ପେ ଆମିନି ଲକୁ ଏଟ୍‌କାତି ନେହିଁ କାରୁ ମୀ ତାଣା ଝେକ୍‌ହାନେସି ଏଞ୍ଜାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍‌ସିୟାଁ ନକିତା କି ମାହାପୁରୁ ନକିତା ନେହିଁ ତଞ୍ଜାଆୟାଲି ଅଣ୍‌ପିମାଲ୍, ଏଦି ଏଚେଲା ଜିକେଏ ଆଏ । ଇତିହିଁ ମାଣ୍‌ସିୟାଁଇଁ ରାହାଁ କିହାଲି ଅଣ୍‌ପିମାଲ୍, ନାନୁ ନୀଏଁ ପାତେକା ମାଣ୍‌ସିୟାଁଇଁ ରାହାଁ କିଞ୍ଜିକିହାଲି ଅଣ୍‌ପି ମାତିହିଁ ମା ନାନୁ କ୍ରୀସ୍‌ତି ହ୍ରେଲେଏଣାତେଏଁ ଆଆତେଏଁମା ।

### ପାଞ୍ଜୁଲ ଏନିକିଁ ଆର୍‌ଞ୍ଜି ଆନାୟି

୧୧ ତାୟି ତାଲିସ୍‌ମାତେରି ଆମିନି ନେହିଁ କାରୁ ନା ତାଣାଟି ଝେସ୍‌ପି ଆହାମାନେ, ଏଦାଣି ମିଙ୍ଗେ ନାନୁ ଝେସିମାଞ୍ଜାଇଁ ଏଦି ମାଣ୍‌ସିୟାଁ ତାଣାଟି ଆଏ; ୧୨ ନାନୁ ଏଦାଆଁ ମାଣ୍‌ସି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍‌ତ ତସାମାଞ୍ଜାନି ତାଣାଟି ବେଟାଆହାମାଲ୍ ।

୧୩ \*ନାନୁ ତଲି ଜୀହୁଦି ଦାମ୍‌ନୁତା ମାତିବେଲା ଏନି ମାଣ୍‌କିତା ମାତେଏଁ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେଏଁ, ଅଡ଼େ ଏଦାଆଁ ମ୍ଳେକ୍‌ହାଲି ଅଣ୍‌ପିମାଚେଏଁ ।

୧୪ \*ଅଡ଼େ ମା ଆକୁ ଆବାୟାଁ ପାଣାପାଟୁ ମେରା ତାକି ରାହାଁଟି ମାନ୍‌ କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍‌ନୁତି ହାରେକା ମାନ୍‌ କିହିମାଚେଏଁ ।

୧୫ \*ସାମା ମାହାପୁରୁ ନାନୁ ଜାର୍‌ନା ଆଆ ନକେଏ ତାନି କାର୍‌ମାମେହ୍‌ନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡ଼େ ଜୀହୁଦିଆଆତି ଲକୁତାଣା ନେହିଁ କାରୁ ଝେକ୍‌ହାଲି ତାକି ଏଚିବେଲା ନାଙ୍ଗେ ଏଞ୍ଜାସି ତାନି ମୀର୍‌ଏଣାଲ୍ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟ୍‌କା ମାଣ୍‌ସି ତାଣା ହାଜା ହିଲାଆତେଏଁ । ୧୭ ଇଲେକିହିଁ ନା ନକେଏ ଆମିନି ଗାଟାରି ପାଣ୍‌ଞ୍ଜିଆଡ଼ି ସୀସୁ

☆ ୧:୧୩ ୧:୧୩ କାମା ୮:୩; ୨୨:୪,୫; ୨୭:୯-୧୧ ☆ ୧:୧୪ ୧:୧୪ କାମା ୨୨:୩

☆ ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୭:୧୩-୧୮

ଆହାମାଚେରି, ଏଞ୍ଜରାଲ୍ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏ; ଅଡେ ତାୟୁ ଦମେସକତା ଝେଣ୍ଡା ଝାଡେଏ । ୧୮ ☆ ତାନି ବାର୍ସା ହାଚି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେଏ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏମ୍ପାଆଁ ମାଚେଏ । ୧୯ ସାମା ପ୍ରବୁତି ତାୟି ଜାକୁବ ପିସ୍ପେ ପାଣ୍ଡୁଝି ଆହାମାନାରି ବିତ୍ରା ଆମ୍ପାଆରାଇଁ ମେହୁଆତେଏ ।

୨୦ ନାନୁ ମିଙ୍ଗେ ଏମ୍ପାଆଁ ରାଡ଼ିମାଞ୍ଜାଇଁ, ମାହାପୁରୁ ନକିତା ସାତା ଝେସିମାଞ୍ଜାଇଁ, ମିଚି ଝେସିମାଞ୍ଜାଅଁ ।

୨୧ ତାୟୁ ନାନୁ ସିରିୟା ଅଡେ କିଲିକିୟାତି ହାରେକା ଟାମ୍ଲାଣା ହାଚେଏ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଙ୍ଗେ ନେହୁଁକ ପୁଞ୍ଜାମାଞ୍ଜାଆତେରି । ୨୩ ଏଞ୍ଜାରି ଏଟ୍‌କା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍ଡି ତଲି ମାଙ୍ଗେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକ୍‌ହାଲି ଅଣ୍ଡପିମାଚେସି, ଏଞ୍ଜାସି ନୀଏଁ ନାମୁତି କାତା ଝେକ୍‌ହି ମାନେସି ।” ୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଇଁ ଗାଞ୍ଜୁରମି କିହିମାଚେରି ।

## ୨

### ପାଞ୍ଜୁଲ ଅଡେ ପାଣ୍ଡୁଝି ଆଡ଼ି ସୀସୁୟାଁ

୧ ☆ସଦ ବାର୍ସା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡେ ଝେଣ୍ଡେ ହାଚେଏ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେଏ । ୨ ନାନୁ ଏମ୍ପାଆଁ ହାନାୟିମାନେ ଇଞ୍ଜା ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏ; ଅଡେ ନାନୁ ଏଟ୍‌କା କୁଡାତି ଲକୁତାଣା ଆମିନି ନେହୁଁକାରୁ ଝେକ୍‌ହିମାଇଁ, ଏଦାଆଁ ଏଞ୍ଜରାଲ୍ ଝେସ୍ତେଏ, ସାମା ନା ତଲିତି ଅଡେ ନୀଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଟେ ନାନୁ ଏଞ୍ଜରାଲ୍ ଏଟ୍‌କା କିହାନା ଝେସ୍ତେଏ । ୩ ସାମା ନା ତଡ଼ୁଡ଼ିତସ ଗ୍ରିକ୍ ଲକୁ ମାଚି ଜିକେଏ ଏଞ୍ଜାଣାଇଁ ତଲୁ ଦାପି କିହାଲି ବାଲାମାତମି କିଝିଆହା ହିଲାଆତେ,

୪ ଆତିହାସିକ ଜିକେଏ ଏଚରଜାଣା ଲକ୍ଷ୍ମୀ ଏଝାଣାଙ୍କ ତଳୁ ଦାପି କିହାଲି ଅଣ୍ଠିପାରେରି । ଏଝାରି ନାମିତି ତାୟିୟା ଇଞ୍ଜି ତସା କଡାନା ମେଣେଏ ପାରୁ ପାରିନି ଲେହେଁ ଜାରୁତା ଆଣ୍ଠାମାରେରି । କ୍ରୀସ୍ତ ଜୀସୁତାଣା ଆଣ୍ଠିତାକି ମାର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଝାରି ଅଣ୍ଠିପୁ ମାରେ, ମାଙ୍ଗେ ଏଝାରି ଅଡେ ଖେଣ୍ଡେ ମେରାତି ହଲିୟାଙ୍ଗା କିହାଲି ଅଣ୍ଠିପାରେରି ।  
 ୫ ସାମା ନେହାଁ କାରୁତି ସାତା ଏନିକାଁ ମୀ ତାଣା ତାରିଆହାନା ଡ଼ିନେ, ଏଦାଆଁତାକି ମାନ୍ସ ଗାଡେକା ତାକି ଜିକେଏ ଏଝାରାକି ପାରୁ ହାହାହିଲାଆତମି ।

୬ ଆମ୍ବାଆରି ମାନିଗାଟାରି ଇଞ୍ଜି ଖେଙ୍ଗା ମାରେରି, ଏଝାରି ଏନିଲେହେଁତି ଲକ୍ଷ୍ମୀ ମାରେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡା ବାଟି କିଅସି, ଏ ମାନିଗାଟାରି ନାଙ୍ଗେ ଏନି ପୁଞ୍ଜି ବଲୁ ଖେସାମାଞ୍ଜିଅରି । ୭ ଏଟକା ଝାକି ଏଝାରି ପୁଞ୍ଜାଲି ଆଡିତେରି, ପିତରଇଁ ଏନିକାଁ ଜୀହୁଦି ଲକ୍ଷ୍ମୀତାଣା ନେହାଁ କାରୁ ଖେକ୍ନି କାମା ହେରପିତେସି ଏଲେକିହାଁଏ ନାଙ୍ଗେ ଜିକେଏ ଜୀହୁଦିଆଆତି ଲକ୍ଷ୍ମୀତାଣା ନେହାଁ କାରୁ ଖେକ୍ନି ବଦୁ ହେରପା ମାଞ୍ଜାନେସି । ୮ ଏନାଆଁତାକି ଇତିହାଁ ଜୀହୁଦି ଲକ୍ଷ୍ମୀତାଣା ପାଣ୍ଡୁଝି ଆହାମାନାରି କାମା କିହାଲି ଏନିକିହାଁ ପିତରକି ମାହାପୁରୁ ବାଡ଼ୁୟି ହାହାମାନେସି, ଏଲେକିହାଁଏ ଜୀହୁଦିଆଆତି ଲକ୍ଷ୍ମୀତାଣା ଏ କାମା କିହାଲି ନାଙ୍ଗେ ମାହାପୁରୁ ବାଡ଼ୁୟି ହାହାମାଞ୍ଜାନେସି । ୯ ଅଡେ ଏଚିବେଲାତା ଏଝାରି ମାହାପୁରୁ ନାଙ୍ଗେ ହାହାମାଞ୍ଜାନି କାର୍ମାତି କାତା ପୁରେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜି ଖେଙ୍ଗାମାନେରି, ଜାକୁବ, ପିତର, ଅଡେ ଜହନ ନାଙ୍ଗେ ଇଞ୍ଜା ବର୍ନବାଇଁ କାମାତା ଆଣ୍ଠାତମି ଇଞ୍ଜି ଚିଞ୍ଚି କେୟୁ ଆସାନା ଆବାତେରି, ଏନିକିହାଁ ନାନୁ ଅଡେ ବର୍ନବା ଜୀହୁଦିଆଆତି ଲକ୍ଷ୍ମୀତାଣା କାମା କିନମି ଅଡେ ଏଝାରି ଜୀହୁଦି ଲକ୍ଷ୍ମୀତାଣା କାମା କିନେରି । ୧୦ ଏଝାରି ଝାରଇ ଇଚେକା ବାତିମାଲା ମାଞ୍ଜାତେରି ମାନ୍ସ ଏଝାରି ଜାରୁତା ମାନି ହିଲାଆଗାଟାରାଇଁ ଅଣ୍ଠିପିନମି; ଏ କାତାତା ନାନୁ ରାହାଁ ଆହାମାରେଏ ।

**ପାଖୁଲ ପିତରଙ୍କ ଲାଗିନାୟି**

୧୧ ସାମା କେପା\* ଏଚିବେଲା ଆନ୍ତ୍ରିୟକିୟାତା ଖାହାମାରେସି, ନାନୁ ଏଝାଣାଇଁ ବାରେ ଲକୁ ନକିତା ଲାଗିତେସ୍ୟ, ଇଚିହଁ ଏଝାସି ଦହ କିହିମାରେସି । ୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜୀହୁଦିଆଆତି ତାୟି ତାଙ୍ଗିସ୍ତା ତଲେ ତିଞ୍ଜିମାରେସି, ସାମା ଏଝାରି ଖାହାଲିଏ, ଏଝାସି ଏ ତାୟି ତାଙ୍ଗିସ୍ତାଇଁ ଆଜାନା ଜୀହୁଦିଆଆତି ତାୟି ତାଙ୍ଗିସ୍ତାଇଁ ପିସାନା ଏଟକା ଆଡେସି । ୧୩ ଇଞ୍ଜା ଏଚରଜାଣା ଜୀହୁଦି ତାୟିୟା ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନଆତାରି ଲେହେଁ ନାଡ଼ିକିଞ୍ଜି ଆଡେରି, ଏଲେଆହଁ ବନିବା ଜିକେଏ ଏଝାରି କାତା ଆସ୍ତେସି । ୧୪ ଏଚିବେଲା ନାନୁ ମେସ୍ତେସ୍ୟ, ଏଝାରି ନେହଁ କାରୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକୁ ନକିତା କେପାଇଁ† ଏଲେଇଚେସ୍ୟ, “ନାନୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନୀଡ଼ିମାଞ୍ଜି, ଆତିହଁ ନାନୁ ଏନିକିହଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

**ନାମ୍ବୁତଲେ ଗେଲପି ଆନାୟି**

୧୫ ସାତେଏ ମାମ୍ବୁ ଜୁନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ ।” ୧୬ ✨ଆଡ଼ିଜିକେଏ ମେରାତି କାମା ତଲେ ମାଣସି ତୀରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୁନାସୁ କ୍ରୀସ୍ତ ତାଣା ନାମା ମାନମି, ଏନିକିହଁ ମେରାତି କାମା ତଲେ ତୀରିଗାଟାତମି ଆଆନା କ୍ରୀସ୍ତ ତାଣା ନାମାନା ତୀରିଗାଟାତମି ଆନମି; ଇଚିହଁ ମସାତି ମେରାତି କାମା ତଲେ ଆମିନି ମାଣସି ତୀରିଗାଟାସି ଆଅସି । ୧୭ ସାମା କ୍ରୀସ୍ତ ତାଣାଟି ତୀରି ଗାଟାତାୟି ଆୟାଲି ଅଣ୍ଡାପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡମି, କ୍ରୀସ୍ତ ପାପୁତି ସେବା କିନାସି କି ? ଏଦି ଏଚେଲାଝା ଆଆପେ । ୧୮ ଇଚିହଁ ନାନୁ ଏନି ମେରାତି ମ୍ଲେକ୍‌ହାମାଇଁ ଏ ବାରେତି ଅଡେ ଝେଣ୍ଡେ ଗାଡ଼ି କିଇଁ,

\* ୨:୧୧ ୨:୧୧ ପିତର † ୨:୧୪ ୨:୧୪ ପିତର ✨ ୨:୧୭ ୨:୧୭ ରମି ୩:୨୦; ରମି ୩:୨୨

ଆତିହାସିକ ନାନୁଏ ଜାହାରାଙ୍କ ଦହ ଗାଗାଦେଏ ଇଞ୍ଜି ତସାକଡ଼ିମାଙ୍କ ।<sup>୧୯</sup> ମାହାପୁରୁ ତାକି ନୀତାଲି ନାନୁ ମେରାଟି ମେରାତାକି ପାସି ମୁଣ୍ଡାତା ହାହାମାଙ୍କ, <sup>୨୦</sup> ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଙ୍କ; ନାନୁ ଅଡ଼େ ନୀତା ହିଲଅ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏ ଏମିନି ଆଙ୍ଗା ତଲେ ନୀତାମାଙ୍କ, ଏଦି ନାମୁତଲେ, ଇତିହାସିକ ମାହାପୁରୁତି ଏମିନି ମୀରଏସି ନାଙ୍ଗେ ଜୀଝୁନହାଁନା ନା ତାକି ତାନି ଜୀଝୁ ହାହାମାନେସି, ଏଞ୍ଜାଣି ତାଣା ନାମାନା ନୀତାମାଙ୍କ । <sup>୨୧</sup> ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅ; ଇତିହାସିକ ମେରା ତଲେ ମାଣସି ମାହାପୁରୁ ନକିତା ତୀରିଗାଗାସି ଆନେସି, ଆତିହାସିକ କ୍ରୀସ୍ତ ହାତାୟି ଉଜେଏତାୟି ।

## ୩

### ମେରା ଆଆତ ନାମୁ

<sup>୧</sup> ଏ ବୁଦି ହିଲଆଗାଟି ଗାଳତ୍ରିୟତି ଲକୁତେରି ! ଆମ୍ବାଆସି ମିଙ୍ଗେ ମାତୁଝି କିହାମାଞ୍ଜାନେସି ? ମୀ କାଣ୍ଟା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହାକି ତଞ୍ଜାଆହିମାଞ୍ଜାତେ । <sup>୨</sup> ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଡିମାଙ୍କ; ମୀରୁ ମସା ମେରା ତଲେ କାମା କିତାକି କି ନେହାକି କାରୁ ଝେଞ୍ଜାନା ନାମିତାକି ସୁଦୁଜୀଝୁ ବେଗାଆହାମାଚେରି ? <sup>୩</sup> ମୀରୁ ଏନିଲେହେଡ଼ି ବୁଦି ହିଲଆଗାଗାତେରି ? ମାହାପୁରୁତି ଜୀଝୁତଲେ ମାଟୁହାନା; ଆଙ୍ଗାତି ବାଡ଼ୟି ତଲେ ରାପୁହାଲି ଅଣ୍ଡିମାଞ୍ଜେରି ? <sup>୪</sup> ମୀରୁ କି ଉଜେଏ ଇଚେକା କସ୍ତ ବେଗାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ? <sup>୫</sup> ଇତିହାସିକ ଆମ୍ବାଆସି ମିଙ୍ଗେ ଜୀଝୁ ହାହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଝେଞ୍ଜାହାଁ କିନେସି ?

<sup>୬</sup> \*ଅବ୍ରାହାମ କାତା ଅଣ୍ଡିପାଦୁ, ସାସ୍ତେରିତା ରାସ୍ତକି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତୀରିଗାଗାସି ଆଡ଼େସି ।” <sup>୭</sup> \*ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀରକା ମାସ୍ତକା, ଇଦାଆଁ ମୀରୁ ପୁନାୟିମାନେ ।<sup>୮</sup> ଅଡ଼େ

ମାହାପୁରୁ ଜୀହୁଦିଆଆତାରାଇଁ ନାମୁଟି ତୀରିଗାଟାରି କିନେସି, ଏଦାଆଁ ଦାମ୍ନୁ ପତିତା ନଚେଏ ମେସାନା ଅବ୍ରାହାମ ତାଣା ନେହୁଁ କାରୁ ଝେସାନା ଏଲେଇଚେସି; “ନୀ ତାଣାଟି ଦାର୍ତ୍ତିତି ବାରେ କୁଲୁତି ଲକୁ ବର ବେଟାଆନେରି ।” ୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହୁଁଏ ଆମ୍ବାଆରି ନାମିନାରି ବାରେକାଣା ଏଞ୍ଜାଣିଲେହେଁ ବର ବେଟାଆନେରି ।

୧୦ ଇତିହୁଁ ଏଚେକା ଲକୁ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ନୁପତିତା ରାସ୍‌କି ଆହାମାନେ, “ଆମ୍ବାଆସି ମେରା ପତିତା ରାସ୍‌କି ଆହାମାନି ବାରେ କାତାତି ମାନଞ୍ଜି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ମେରା ମାନଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହୁଁକିଁ ପୁଞ୍ଜାମାନାୟି, ରାସ୍‌କି ଆହାମାନେ, “ଇତିହୁଁ ତୀରିଗାଟାସି ନାମୁଟି ନୀତିନେସି ।” ୧୨ ଅଡେ ନାମୁ ମେରାତି ମୁଲୁ କାତା ଆଏ; ମେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଞ୍ଜି ଆନେସି, ଏମ୍ବାଟି ଏଞ୍ଜାସି ନୀତିନେସି ।”

୧୩ କ୍ରୀସ୍ତ ମା ତାକି ବାକା ବେଟାଆହାନା ମେରାଟି ମାଞ୍ଜେ ଝାନ୍ତି ବାକାଟି ପିସ୍‌ପି କିହାମାଞ୍ଜାନେସି; ଇତିହୁଁ ରାସ୍‌କି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।” ୧୪ ମାହାପୁରୁ ଅବ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକିଁ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡିନାୟି ।

### ମେରା ଅଡେ ଆଞ୍ଜନାୟି

୧୫ ଏ ତାୟି ତାଞ୍ଜିମ୍ବା, ନାନୁ ମାଣ୍‌ସିୟାଁ ଲେହେଁ ଝେସିମାଞ୍ଜାଇଁ; ରାକିମାନା ମାଣ୍‌ସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏଚେତା ଏଦାନି ଆମ୍ବାଆସି ଏଟକା କିହାଲି ଆଡଅସି କି ଏମ୍ବାଆଁ ଏଦାଆଁ କାଲହାଲି ଆଡଅସି । ୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୁଡା ତାକି ହୀପକି ଆହାମାଚେ;



ଏହାସି ଏଲେଇଞ୍ଜା ହିଲଅସି, “କୃତ୍ୱା ତାରାକି” ଏନିକିଁ ହାରେକା ଲକ୍ଷ୍ମୀକାକି ସାପ୍ତେରତା ହେସ୍ତିଲେହେଁ ଆଏ, ଇତିହାଁ ଏନିକିଁ ରଅଣି କାତା ହେସ୍ତେସି, ନୀ “କୃତ୍ୱା ତାକି” ଏହାସି କ୍ରୀସ୍ତ ଜୀସୁ । ୧୭ ନା ଅଣ୍ପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି, ଅଡେ ଏଦାଆଁ ତୀରିକିହାଁ ଇଗାଲି ଆଞ୍ଜାମାଚେସି, ଆମିନି ମେରା ସାରି ଖାଞ୍ଜା କଡେଦସ ବାସା ତାୟୁ ହୀପ୍ତିଆଡେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଙ୍ଗାଲି ଆଡେଏ । ୧୮ ✨ମାହାପୁରୁତି ଆଞ୍ଜାମାନି ବର. ମେରା ମାନିକିନି ତାଣା ବାସୁ କିନେ, ଆତିହାଁ ଏଦି ଅଡେ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି ।

୧୯ ଆତିହାଁ ମେରା ଏନାଆଁତାକି ହୀପ୍ତିଆଡେ ? ମାଣସିତି ଲାଗେଏତି କାମା ତସାଲି ତାକି ହୀପ୍ତିଆଡେ, ଇଞ୍ଜା ଅବ୍ରାହାମକି ଏମିନି କୃତ୍ୱାତି ମେସାନା ମାହାପୁରୁ ଆଞ୍ଜାମାଚେସି, ଏହାସି ଖାନ୍ତି ପାତେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ଦୁହୁୟାଁ ସାୟେମିତି ମେରା ହୀପ୍ତି ଆହାମାଚେ । ୨୦ ସାମା ନୀଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

### ମେରାତି କାତା

୨୧ ଇତିହାଁ ମେରା ମାହାପୁରୁ ଆଞ୍ଜାମାନାଣି କପାଟି କାତା ହେକନେ ? ଏଦି ଏଚେଲାଖା ଆଆପେ; ଇତିହାଁ ଲକ୍ଷ୍ମୀକାକି ଜୀସୁ ହୀହାଲି ଆଡିନି ଇଲେତି ମେରା ହୀପ୍ତି ଆହାମାଚିହାଁ ମା, ଆତିହାଁ ମେରା ସାତେଏ ତୀରି ଗାଟାୟି ଆଡେମା । ୨୨ ସାମା ଦାମ୍ବୁ ସାପ୍ତେରତା ରାସ୍ତି ଆହାମାନେ, “ବାରେ ମାଣସି କୃତ୍ୱା ପାପୁତି ବାଡ଼ୁୟୁତା ମାନେରି, ଏଦାଆଁତାକି ଏନିକିଁ ଜୀସୁ କ୍ରୀସ୍ତ ତାଣା ନାମିତି ପାଡେୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକ୍ଷ୍ମୀ ବେଗାଆନେରି ।”

୨୩ ସାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସପି ଆହିମାଚାୟି । ୨୪ ଇଲେତି ନାମୁ ତାକି ମାର ଦାମ୍ବୁ ଗାଟାତାୟି ଆହାଲିତାକି କ୍ରୀସ୍ତ

ଝାନ୍ତି ଦିନା ପାତେକା ମେରା ମାଙ୍ଗେ ଜାପ୍‌ହାନାୟି ଲେହେଁ ମାତେ ।  
 ୨୫ ସାମା ନୀର୍ବ୍ୟ ଏ ନାମୁ ଝାହାଲିଏ, ମାର ଅଡ଼େ ମେରାତି ବାଡ଼ୟୁତା  
 ହିଲାଆୟି ।

୨୬ ଇତିହାସ ମାରୁ ବାରେଜାଣା ଜୀସୁ କ୍ରୀସ୍ତୁଇଁ ନାମିନି ତାଣାତି  
 ମାହାପୁରୁତି ମାରକା ମାସ୍କା ଆହାମାଞ୍ଜେରି । ୨୭ ଇଞ୍ଜା ମାରୁ  
 ଏରେକା ଲକୁ କ୍ରୀସୁ ଦରୁତି ବାପ୍ତିସ୍ମ\* ବେଟାଆହାମାଞ୍ଜେରି, ନୀର୍ବ୍ୟ  
 ମାରୁ ବାରେତେରି କ୍ରୀସ୍ତୁଇଁ ହିମ୍ବରିଲେହେଁ ପର୍ହାମାଞ୍ଜେରି । ୨୮ ଜୀହୁଦି  
 ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି  
 ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ;  
 ମୀ ବିତ୍ରା ଏନି ପାରଡ଼ା ହିଲେଏ, ମାରୁ ବାରେ କ୍ରୀସୁ ଜୀସୁ  
 ତାଣା ଆଣ୍ଟାନା ରଣ୍ଟିଏ ଆହାମାଞ୍ଜେରି । ୨୯ ☆ଅଡ଼େ ମାରୁ କ୍ରୀସ୍ତୁତି  
 ଲକୁ, ଆତିହାସ ମାରୁ ଅବ୍ରାହାମତି କୃତାତେରି, ଆଞ୍ଜାମାନି ଲେହେଁ  
 ଅଦିକାରା ଗାଟାତେରି ଆହାମାଞ୍ଜେରି ।

## ୪

୧ ନାନୁ ଝେସିମାଞ୍ଜାଇଁ, ମାରଏସି ଆବାତି ବାରେ ଦନ୍ତି ଅଦିକାରା  
 ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନ୍ତି  
 ପାତେକା ହଲେଏସି ଲେହେଁ ଆନେସି । ୨ ସାମା ଆବାତି ତୀରି  
 କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା  
 ଡ଼ୟିନେସି । ୩ ଏଲେକିହାସ ଏ ମାର ଜିକେଏ ଏତିବେଲା ଦାମ୍‌ତା  
 ପାଡ଼ାଆହା ହିଲାଆତାୟି, ଏତିବେଲା ଦାରତିତି ବାରେ ସାଲୁଞ୍ଜି କିନି  
 ବାଡ଼ୟୁତା ହଲିୟା ମାଟାୟି । ୪ ସାମା ଦିନା ପୁରା ଆୟାଲିଏ,  
 ମାହାପୁରୁ ତାନି ତାଣାଟିଏ ତାନି ମାରଏଶାଇଁ ପାଣ୍ଟାତେସି; ଏଞ୍ଜାସି  
 ଇୟାନି ବାଣ୍ଟିତି ଜାର୍ନା ଆହାନା ଜୀହୁଦିୟାଁ ମେରା ତଲେ ନୀଡ଼ିତେସି,  
 \* ଏନିକିହାସ ଏଞ୍ଜାସି ମେରାତା ମାନି ଲକୁଣି ମୁଲୁ ହୀହାନା ପିସ୍ପି  
 କିନେସି, ଅଡ଼େ ମାର ମାହାପୁରୁତି ମାରକା ମାସ୍କାତି ଅଦିକାରା  
 ବେଟାଆନାୟି ।

୬ ଇଞ୍ଜା ମାରୁ ମାରକା ମାସ୍କାତେରି, ଅଡ଼େ ମାହାପୁରୁ ମୀ ହିୟାତା  
 ଡ଼ୟାଲି ତାକି ତାନି ମାରଏଶାତି ସୁଦୁଜୀଞ୍ଜୁ ପାଣ୍ଟାତେସି, ଏ ଜୀଞ୍ଜୁ ମୀ

\* ୩:୨୭ ୩:୨୭ମୁଞ୍ଜିନାୟି ☆ ୩:୨୯ ୩:୨୯ ରମି ୪:୧୩ ☆ ୪:୫ ୪:୫ ରମି ୮:୧୫-୧୭

ତାଣା ମାଞ୍ଜାନା କାଜା ଗିୟାଁତଲେ “ଆବା ତାଞ୍ଜି ଇଞ୍ଜି” ହାଟିମାନେ । <sup>୭</sup> ଏଦାଆଁତାକି ମୀରୁ ଅଡ଼େ ହଲିୟାଙ୍ଗା ଆଏ, ସାମା ମୀରକା ମାସକାତେରି, ମୀରୁ ତାନି ମୀରକା ମାସକାତେରି ଆହାମାନାକି ମାହାପୁରୁ ତାନି ମୀରକା ମାସକାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି ।

### ଗାଳାତିୟ ଲକ୍ଷ୍ମଣାକି ପାଞ୍ଚୁଲ ଅଣ୍ଡିନାୟି

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଙ୍ଗା ମାଚେରି । <sup>୯</sup> ସାମା ମୀରୁ ନୀଏଁ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହିଁ ମୀରୁ ଏନିକିଁ ଏ ବାଡ଼ୁୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡ଼ାଆଗାଟି ଦାରତି ଝାକି ଝେଣ୍ଡେ ହାଜାଲି ଅଣ୍ଡିନାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଙ୍ଗା ଆୟାଲି ଅଣ୍ଡିନାଞ୍ଜେରି । <sup>୧୦</sup> ଦୁକୁତି କାତା, ମୀରୁ ତାରି କିହାମାନି ଦିନା, ଲେଞ୍ଜୁ, ପାରୁଁ ଅଡ଼େ ବାସା ମାନଞ୍ଜି ଆହିମାଞ୍ଜେରି । <sup>୧୧</sup> ମିଙ୍ଗେତାକି ନାନୁ କିହାମାନି କାମା ଏଡ଼େତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଟିମାଞ୍ଜାନେ ।

<sup>୧୨</sup> ଏ ତାୟି ତାଙ୍ଗିସ୍ତାତେରି, ନାନୁ ମିଙ୍ଗ ବାତିମାଲିମାଞ୍ଜାଇଁ, ମୀରୁ ନାରେଲହେଁ ଆଦୁ, ଇତିହିଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଲେଏ କିହାମାଞ୍ଜଅତେରି । <sup>୧୩</sup> ନାନୁ ତଲିଏ ମୀ ତାଣା ନେହିଁ କାରୁ ଝେକ୍‌ହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଡ଼େତା ନା ଆଙ୍ଗାତି ବାଦା ମାଞ୍ଜାନା ଝେକ୍‌ହାମାଚେଏଁ; <sup>୧୪</sup> ଅଡ଼େ ନା ଆଙ୍ଗାତି ବାଦା ମିଙ୍ଗେତାକି କସ୍ତାଗାୟି ଆହିମାତିହିଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୂଡୁ ଲେହେଁ ଇତିହିଁ କ୍ରୀସ୍ତ ଜୀସୁଇଁ ଆବିନି ଲେହେଁ ନାଙ୍ଗେ ଆବାତେରି । <sup>୧୫</sup> ମୀରୁ ଏଚେକା ରାହାଁ ମାଚେରି, ମୀ ଏ ରାହାଁ ଆୟିୟା ହାଚେ ? ଇତିହିଁ ନାନୁ ମୀ କାତା ଆଡ଼ଞ୍ଜା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା । <sup>୧୬</sup> ସାମା ନୀଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହାଁ ଗାଟାରି ଇଞ୍ଜି ତଞ୍ଜାଆହାଲି ଅଣ୍ପିମାନେରି, ସାମା ତାମି ସାତା ଅଣ୍ପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ପୁ, ଏନିକି ମୀରୁ ନା ତାଣାଟି ଏଟକା ଆହାନା ଏଞ୍ଜାରି ଝାକି ରାହାଁ ଆଦେରି । ୧୮ ଇତିହ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହୁଁ କାମାତାକି ଅଣ୍ପିନାୟି ନେହେଁ । ୧୯ ଏ ନା ଜୀଞ୍ଜୁତି ମୀରକା ମାସ୍‌କାତେରି, ଏତେ ପାତେକା କ୍ରୀସ୍ତୁ ଲେହେଁ ଆଅତେରି, ଏତେ ପାତେକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହେଁତି କସ୍ତୁ ବେଟାଆହିମାଈ । ୨୦ ନାନୁ ଏନିକି ନୀଏଁ ମୀ ତାଣା ଝାହାନା ଅର ରଲେତି ହାଡା ଝେସାଲି ଆଡିତେଏମା, ଇଦି ନା ଅଣ୍ପୁ ମାତେ; ଏନାଆତାକି ଇତିହ ନାନୁ ମୀ ତାକି ହାରେଏ ଅଣ୍ପିମାଈ ।

### ହାଗାର ଅଡେ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଞ୍ଜେ ଝେସ୍ତାଦୁ, ମେରାତା ଏନାଆଁ ରାସ୍‌କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ? ୨୨ ଇତିହ ରାସ୍‌କି ଆହାମାନେ, ଅବ୍ରାହାମତି ରୀ ମୀରକା ମାତେରି ରଅସି ହଲେଣି ତାଣାଟି ଅଡେ ରଅସି ତାନି ତକ୍ତିନି ତାଣାଟି ଜାର୍ନା ଆହାମାତେସି, ୨୩ ହଲେଣି ମୀରଏସି ଆଙ୍ଗାତି ଗୁଣ୍ଡୁତଲେ ଜାର୍ନା ଆଡେସି, ସାମା ଆମିନିଗାଟାସି ତାନି ତକ୍ତିନି ମୀରଏସି ମାହାପୁରୁ ଆଞ୍ଜାମାଟି ବାଡୁୟୁତି ଜାର୍ନା ଆଡେସି । ୨୪ ଇଦାଆଁ ର ପୁଣ୍ଡି କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଈ; ଆମିନି ଗାଟାନି ମୀରକା ହଲିୟାଙ୍ଗା ଆୟାଲି ଜାର୍ନା ଆଡେରି, ଏ ହାଗାର ସିନୟ ହରୁଟି ଝାହାମାନି ରାଜିମାନା ଲେହେଁ । ୨୫ ହାଗାର ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁତି ଜିରୁସାଲମ ଗାଡା ଲେହେଁ । ହାଗାର ଲେହେଁ ଜିରୁସାଲମ ଅଡେ ଏଦାନି ସାଲଝି କିନାରି ନୀଏଁ ହଲିୟାଙ୍ଗା ଆହାମାନେରି । ୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି ୨୭ ଏନାଆତାକି ଇତିହ ସାସ୍ତେରିତା ରାସ୍‌କି ଆହାମାନେ,

“ଆକେ ବାଞ୍ଜେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହ୍ନା କିମ୍ପୁ,  
 ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି  
 ଜିକେଏ ନୀନୁ କାଜା ଗିୟାତଲେ ରାହ୍ନା କିମ୍ପୁ;  
 ଇଚିହ୍ନି ତକ୍ତା ତଲେ ବାସା କିହିମାନି ଇୟାନି କିହ୍ନା  
 ର ପିସ୍ତି ଇୟାନି କକାରି ପଦାୟା ହାରେକା ଜାଣି ଆନେରି ଆନୁ  
 ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍‌କାତେରି । ୨୯ ସାମା ଆମ୍ବାଆସି ଆଙ୍ଗାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକ୍ସି ଏଚିବେଲାତା ମାହାପୁରୁତି ସୁଦୁଜୀଞ୍ଜୁଟି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାକ୍ ସାସ୍ତି ହୀହାମାଚେସି ଏଲେକିହ୍ନି ଏ ନୀଏଁ ଜିକେଏ ଆହିମାନେ । ୩୦ ଦାମ୍ପୁ ପତି ଏନାଆଁ ଖେସିମାନେ ? ହଲେଣି ଇୟା ଅଡେ ଏଦାଣି ମୀରଏଣାକ୍ ପିହ୍ମ୍ପୁ; ଇଚିହ୍ନି ହଲେଣି ମୀରଏସି ତାନି ବୀହା ତକ୍ତିନି ମୀରଏଣା ତଲେ ଅଦିକାରା ଗାଗାସି ଆୟାଲି ଆଡ଼ଅସି ।” ୩୧ ଏଦାଆଁତାକି ଏ ନା ତାୟି ତାଜିସ୍ତାତେରି, ମୀର ହଲେଣି ମୀରକା ମାସ୍‌କା ଆଏ, ସାମା ବୀହା ତକ୍ତିନି ମୀରକା ମାସ୍‌କାତାୟି ।

## ୫

### କ୍ରୀସ୍ତ ତାଣା ମେଲା ଆନାୟି

୧ ମୀର ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି । ଇଦାଆଁତାକି ମୀରୁ ମେଲା ଆଡିତାଣା ତୀରିଆହ୍ନା ମାଞ୍ଜୁ । ଅଡେ ଖେଣ୍ଡେ ହଲିୟାଙ୍ଗା ଜୁଞ୍ଜେଡିତା ମୀରୁ ଜାହାରାକ୍ ହେରପାକତାଆଦୁ ।

୨ ନାନୁ ପାଞ୍ଜୁଲ ମିଙ୍ଗେ ଖେସିମାଞ୍ଜାକ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାବା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଖେଣ୍ଡେ ଖେସିମାକ୍, ଇଚିହ୍ନି ଏଞ୍ଜାସି ବାରେ ମସାତି ମେରା ମାନୁଞ୍ଜି ଆନାୟି ମାନେ । ୪ ମୀରୁ ଏଚେକା ଲକୁ ମେରାଟି ମାହାପୁରୁ କାନୁତା ତୀରିଗାଟାତେରି ଆୟାଲି

ଅଣ୍ଠିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁତା ଆହାମାଞ୍ଜେରି । <sup>୫</sup> ଇତିହାସ ମାର ମାହାପୁରୁତି ଜୀଞ୍ଜୁତଲେ ନାମୁ ତାକି ଦାର୍ମୁଗାଟି ଲକୁ ଆନ୍ତି ଆସାଇଁ କାଟିମାନାୟି । <sup>୬</sup> ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହାସ ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି ।

<sup>୭</sup> ମୀରୁତ ନେହାକି ନକିତା ହାଜିମାତେରି; ଆମ୍ବାଆସି, ମିଙ୍ଗେ ସାତାତି ମାନୁଞ୍ଜି ଆଆଦୁ ଇଞ୍ଜା ଆଜ୍ଞାତେସି ? 「 ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ । <sup>୮</sup> କାତାତା ମାନେ, ଇଚାୟି ପୁଲା ଡକାତି ଗୁଣ୍ଡା ବାରେ ପୁଲା କିନେ । <sup>୧୦</sup> ମୀରୁ ଏଟକାତ ଅଣ୍ଠପୁ ଅଣ୍ଠପଅତେରି, ଇଦାଆଁ ନାନୁ ମିଙ୍ଗେ ତାକି ପ୍ରବୁ ତାଣା ହାରେକା ନାମିମାଇଁ; ସାମା ମିଙ୍ଗେ ଆମ୍ବାଆସି ନାଡି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହାନେସି ।

<sup>୧୧</sup> ନା ତାୟି ତାଜିସ୍ତାତେରି, ନାନୁ ନୀଏଁ ପାତେକା ତଲୁ ଦାଞ୍ଜି ନେରା ଝେକ୍‌ହିମାଇଁ, ଆଡିହାସ ଏନାଆଁତାକି ନୀଏଁ ପାତେକା ସାସ୍ତି ବେଟାଆହିମାଇଁ ? ନାନୁ ସାତେଏ ଏଲେକି ଝେକ୍‌ହିହାସ, କୁସତା ହାଡି କ୍ରୀସ୍ତତି କାତା ଝେକ୍‌ନି ତାଣାଟି ନାଙ୍ଗେ ଏନ୍ତି ବାଦା ଆଆତେମା । <sup>୧୨</sup> ନାନୁ ଅଣ୍ଠିମାଇଁ, ତଲୁ ଦାନାଣି ଏମିନିଗାଟାରି ମିଙ୍ଗେ ଏଲେକି କିଲିବିଲି କିହମାଞ୍ଜାନେରି ଏଞ୍ଜାରି ପେଜୁୟା ଲେହେଁ ଆଡିହାସ ନେହାସ ଆଡେମା ।

<sup>୧୩</sup> ଏ ତାୟି ତାଜିସ୍ତା, ମୀରୁ ମେଲା ଆହାଲିତାକି ହାଟକି ଆହାମାଞ୍ଜେରି; ସାମା ଜାଗ୍ରାତା, ଆଜ୍ଞାତି ଜୁପକା କାମା କିହାଲି ମୀ ଆଜ୍ଞାତି ପାରୁ ବେଟାଆଡିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଇଁ ଜୀଞ୍ଜୁ ନଞ୍ଜିଆହାନା ସେବା କିଦୁ । <sup>୧୪</sup> ଇତିହାସ ବାରେ ମେରା ଇ ରଣ୍ଡିଏ ହୁକୁମିତା ତାରି ଆନେ, “ନୀନୁ ନୀ ଆଟ୍‌ହିତାଣାଇଁ ନୀ ଜୀଞ୍ଜୁତି ଜୀଞ୍ଜୁନନ୍ତି ଲେହେଁ ଜୀଞ୍ଜୁନଦୁ ।” <sup>୧୫</sup> ମୀରୁ ରଅତେରି ରଅଣାଇଁ ବାଦା ହାହାନା ନସ୍ତ କିଞ୍ଜି ଆହିମାଞ୍ଜେରି,

ଆତିହାସିକ ଜାଗ୍ରତା ଆଦୁ, ଏନିକିମିମି ମୀରୁ ରଅତେରି ରଅଣି ତାଣାଟି ନାସା ଆଅତେରି ।

### ସୁଦୁଜୀଝୁ ଅଡ଼େ ମାଣସିତି ଗୁଣୁ

୧୭ ନା ଅଣ୍ଠୁ ଇଦି, ମୀରୁ ସୁଦୁଜୀଝୁ ତଲେ ତାକାଦୁ, ଆତିହାସିକିମି ମୀରୁ ଆଜାତି ଜୁଠକା ତଲେ କାମା କିଅତେରି । ୧୭ ✨ମାଣସିତି ମାଣକି ସୁଦୁଜୀଝୁ ଅଡ଼େଏ । ଏଲେକିହାସିକି ସୁଦୁଜୀଝୁ ମାଣସିତି ମାଣକିତି ଅଡ଼େଏ । ଏଝି ରିଣ୍ଡି ସାତୁ ଲେହେଁ । ଇତିହାସିକିମି ମୀରୁ ଏନାଆଁ କିୟାଲି ଅଣ୍ଠିଦେରି ଏଦାଆଁ କିୟାଲି ଆଡ଼ଅତେରି । ୧୮ ସୁଦୁଜୀଝୁ ମିଜେ ସାଲୁଝି କିୟାନେ, ଆତିହାସିକିମି ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି ।

୧୯ ଆଜାତି ଅଣ୍ଠୁ ତଲେ କିନି କାମା ବାରେ ନେହାକିମି ପୁଞ୍ଜାମାଞ୍ଜେରି, ଏଝି ଦାରିକାମା, ଲାଗେଏ ପଲେଏ କାମା । ୨୦ ଅଡ଼େ ଅପାଆଗାଟି କାମା, ପେଶକା ପୂଜା, ଲକୁଣି ପାୟିନାୟି, ଗୁଣି ଗାରଡ଼ି, ସାତୁ ଆନାୟି, ଗଡ଼ହା କିନାୟି, ଆଜାରା ଆନାୟି, କାର୍ବି ଆନାୟି, ଜାହାରାତାକି ଅଣ୍ଠିନାୟି, ଗତି ଆହା ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି, ୨୧ କାଡ଼ ଗୁହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନ୍ଦୁ ତଲି ମିଜେ ଏନିକିମି ଝେସାମାଞ୍ଜାତେଏଁ, ଏଲେକିହାସିକି ନକେଏ ଜାଗ୍ରତା କିହାଁ ଝେସିମାଞ୍ଜାକି, ଆମ୍ବାଆରି ଇଲେତି କାମା କିନେରି, ଏଝାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଝୁତି ପାଡ଼େୟି, ଜୀଝୁନନାୟି, ରାହାଁ ଆନାୟି, ହିଡ଼ଡ଼ି ଜୀଝୁତଲେ ମାନାୟି, ଅରୁହିନାୟି, ଲକୁକି ସାଡ଼େମି କିନାୟି, ସାତା ଗୁଣୁ, ମାନିଗାଟି ଲକୁ, ନାମୁତଲେ ମାନାୟି, ୨୩ ଅଡ଼େ ଜାହାରାକି ଲକୁନାୟି, ଇ ବାରେ ନକିତା ମସାତି ଏନି ମେରା ହିଲେଏ । ୨୪ ଆମ୍ବାଆରି ଜୀସୁ କ୍ରୀସୁ ତାଣା ମାନେରି, ଏଝାରି ତାମି ଆଜାତି ଅଣ୍ଠୁ ଅଡ଼େ ଜୁଠକା ବାରେ ମାଣସି ମାଣକିତି ପାସି ମୁଣ୍ଡାତା ଏକହାନା ହାଝି କିହାମାନେରି । ୨୫ ମାର ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହାସିକିମି ସୁଦୁଜୀଝୁ ତଲେ ନୀଡ଼ିନ । ୨୬ ମାର

ବତପଣ ଆହାନା ରଥତଞ୍ଜି ରଥଣାଙ୍କ ବିତିବିତା କିଆପ ଅଡ଼େ ମାର  
ରଥତାୟି ରଥଣାଙ୍କ ଡାହାରା ଆଆପ ।



### ରଥସି ରଥଣି ବଜୁ ଡେକିନାୟି

୧ ଏ ତାୟି ତାଙ୍ଗିସ୍ତା, ଆମ୍ବାଆସି ଏନି ଦହ୍ କିହାମାନାଣି ପୁଟିହ୍, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଚିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡେତା ମୀରୁ ଜିକେଏ ପାନ୍ଦାତା ହେରଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ ।  
୨ ରଥଡେରି ରଥଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହ୍ ମୀରୁ କ୍ରୀସ୍ତତି ମେରା ମାନଞ୍ଜି ଆଡେରି । ୩ ଆମ୍ବାଆସି ଲାଗେଏ ଆହାନା ଜାହାରାଙ୍କ ନାନୁ କାଜାତେଏଁ ଇଞ୍ଜ୍ ଅଣ୍ପା କଡିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକଡିମାନେସି । ୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହ୍ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି । ୫ ଏନିଇତିହ୍ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଜୁ ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହ୍ ନେହ୍ ବାଗା ହୀପେସି ।

୭ ମୀରୁ ମିଙ୍ଗେ ନାଡ଼ିକିହା କଡାଆଦୁ; ଆମ୍ବାଆସି ମାହାପୁରୁଙ୍କ ନାଡ଼ି କିହାଲି ଆଡଅସି, ଇତିହ୍ ମାଣସି ଏନାଆଁ ମାଟିନେସି ଏଦାଆଁ ଦାଃଆନେସି । ୮ ଆମ୍ବାଆସି ଆଙ୍ଗାତି ଅଣ୍ପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡେୟି ଦାଃଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି ଗାଡ଼ିଆଡ଼ି କାଲାକାଲାତି ଜୀଝୁହୀନି ପାଡେୟି ଦାଃଆନେସି । ୯ ମାର ନେହ୍ କାମା କିହାଲି ଝାହାଆପ; ଇତିହ୍ ଝାହୁ ଆଆନା କାମା କିତିହ୍ ସମାନା ବେଲାତା ତାସା ଦାଃନାୟି । ୧୦ ଏନିଇତିହ୍ ମାର ପାରୁ ସିନିକିହାନା ବାରେତାକି ଇତିହ୍ ବାରେକିହ୍ ରଣିଏ କୁଟମିତା ଆଣ୍ଡାମାନି ନାମୁ ଗାଟାରାଙ୍କ ନେହ୍ କିନାୟିମାନେ ।

ଜାଗ୍ରାତା କିହ୍ ଜହରା ତଲେ ଆକୁତି ରାପ୍ନାୟି



୧୧ ମେହଦୁ, ନାନୁ ଏନିକି କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାଚାମାଞ୍ଜାଇଁ । ୧୨ ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜି ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକି ନିନ୍ଦା ବେଟାଆଅରି ଖାରଇ ଏଦାଣିତାକି ଏଲେକିନେରି । ୧୩ ଇତିହ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମ୍ବୁଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜା ଏଞ୍ଜାରି ଏନିକି ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି ଅଣ୍ଡିନେରି । ୧୪ ସାମା ନାନୁ ଖାରଇ ମା ଜୀସୁ କ୍ରୀସ୍ତତି କୁସ ତାକି ବତପଣ ଆହିମାଈ; ଇତିହ ଏଞ୍ଜାଣି କୁସ ତାକି ଦାରତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରତି ତାକି ହାହାମାଇଁ । ୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଡ଼ି ବାରେ କିହାଁ ମୂଲୁତାୟି । ୧୬ ଏଚେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସ୍ତାୟେଲ ଲକୁ ଲାକ ହିଡ଼ଡ଼ି ଅଡ଼େ କାର୍ମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇତିହ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ ।

୧୮ ଏ ତାୟି ତାଙ୍ଗିସ୍ତା, ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଞ୍ଜୁତା ତୟାପେ । ଆମେନ୍ ।

## ପୁସ୍ତକ ଫେରା

# The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

## ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33